

H. spr. w. n. b. v. r. Had Jorge Hempel sine clage und geczewgniß uffs bergrecht gesaczt und gegrundet und richter und scheppen hetten sulch geczewgniß mit den kegensetzzen Baltizars von Meckaw ane bewußt*) und willen und ane rechte ursache Jorgen Hempels gein Lipczk geschicket und noch landrechte dorubir sprechen laßen, so mag yn sulch spruch der von Lipczk der sachen halben yn berckgerichte hangende und doruff gegrundet uff dißmal nicht verbinden, sundern wirdet 5 billich vor dem rechten, doran is hanget, ußgetragen.

71. (Widder den schiet in rechter zceyt keyne inrede gethan.)

1478 Aug. 20.

fol. 33 (116^b).

Durchluchten hochgebornen fursten —. Nochdem uns uwre furstlichen gnaden schult der gewerken uff uwer gnaden stollen^a) und antwert der Nuwen^b) Funtgrubener uff dem Schneberge^c) zugeschickt und dorubir zu sprechenn haben schriben laßen^d), sulche schult und antwert mit iren yn- und kegenreden^e) haben wir mit fleiß verhort und vermerket, das dy alleyne uff landloufftige recht^f) und nicht uffs bergrecht gesaczt und gegrundet, der wir danne unerfahren sind und bißher zu vorsprechenn gewegert haben. Ydoch noch uwer gnaden beger und uß pflichtigem gehorsam annomen wir das unnsers vermogens noch bergrechte^g) zu vorsprechen ꝛ.

So danne dy gewerken uwer gnaden stollens clage thun und setzzen widder dy gewerken 15 der Nuwen Funtgruben in sulchir fromen, wywol ym nehst verlouffen jare der mynnern zcal noch unnsers hern geburt ym LXXVI. jare umbe die zceit der hilgen pfingsten^h) ungeverlich uff uwer gnaden befehl durch ettliche, dy von uwern gnaden dorczu vorordent und geschickt weren, dem bemelten stollen und sinen gewerken stolrecht uß der Alden Funtgruben erkand und zugesprochen were, also das der benante stolle sein stolrecht der newnden margⁱ) uff der bemelten zceche und irer zuge- 20 horunge von derselben zceit des awsspruchs volkomlichen behabt und hinforder uß crafft des zuerkentniß behalten solt, des sy sich, aps nod were, erboten zu erkunden, und wywol kuntlich und offinbar sey, das allis ercz, das dy gewerken von sent Jorgen in der zceit troffen hetten, in der Alden Funtgruben maß funden und gehauwen und yn alleyn zu stolrecht vorhafft were und zugestanden hetten, hetten sich ydoch dy gewerken der Nuwen Funtgruben biß uff die czeit, das ir stolle in dy 25 benante sent Jorgen zceche getriben were, undirstanden dy helffte des stolrechts von dem benanten ercz zu nemen und yn das widder herußzugeben gewegert, mit fordern langen schriften und yrede ꝛ.

Dorkegen antworten dy gewerken der Nuwen Funtgruben, nochdem sent Jorgen zceche erczfundig wurden were und sy sich gerechtikeit daran zu haben undirstanden und dy Alden Funtgrubener sich sulchs erczs ouch als vor ir enthauwen ercz angeczogen hetten und also eyne zweytracht 30 zewischin den gnanten zcechen entstanden und eintrechtlichen durch zusampneslaen der beider zceche hingelegt und durch uwre gnaden und uwer gnaden zugeschickten gescheiden, in demselben schide ußgesaget und clerlich ußgedruckt wurden, nochdem es unkuntlich, in welchen moßen

70. a) bewußt A.

71. Nach dem Or. Pap. Hauptstaatsarchiv Dresden WA. Bergwerkssachen Kaps. VI B fol. 127 (Das S. unter Papier- 35 decke — Cod. dipl. II, 12. Fig. 4 — zum Verschuß aufgedrückt). — Vergl. die Gutachten der Doctoren Joh. v. Breytenbach und Cristofferus Eckel von Freiberg und der Erfurter Juristenfacultät o. D. in derselben Sache ebenda fol. 125, 128 und das Concept eines (im Wesentlichen mit dem Freiburger Spruch übereinstimmenden) Urteils der Landesherren ebenda fol. 131 (ein anders lautendes Urteil, Entwurf ebenda fol. 133 und Gem. Archiv Weimar Reg. T fol. 32 No. 1^a Bl. 15). — a) Or. Pap. Gem. Archiv Weimar a. a. O. Bl. 22. Gleichz. 40 Abschr. Hauptstaatsarchiv Dresden a. a. O. fol. 105. b) Nuwen fehlt AB. c) Or. Pap. Gem. Archiv Weimar a. a. O. fol. 20. Gleichz. Abschr. Hauptstaatsarchiv Dresden a. a. O. fol. 107. d) Das Schreiben des Kurf. Ernst und Herzog Albrecht d. d. Dresden 1478 Aug. 9, Or. Pap. Rathsarchiv Freiberg K. 3. Das S. unter Papierdecke zum Verschuß aufgedrückt. e) Or. Pap. Gem. Archiv Weimar a. a. O. fol. 4. 16. Gleichz. Abschr. Hauptstaatsarchiv Dresden a. a. O. fol. 110. 115. f) landloufftige recht Or. landrecht und keiserrecht AB. 45 g) noch bergrechte fehlt AB. h) 1476 um Juni 2. i) Vergl. Bergrecht B. § 10.